



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Literae foundationum & confirmationis Collegij veteris Oëttingae.

urn:nbn:de:hbz:466:1-13591

Engilpero Cancellarius ad vicem *Theodmari* Archicapellani recognoui. Data VII. Idus Augusti. Anno Dominicæ Incarnationis. D. CCCC. I. Inditione. IV. Anno regni *Ludouici* Serenissimi regis secundo, Actum *Otingæ* curte regia. in Dei nomine feliciter Amen.

Literæ foundationum & confirmationis Collegij

veteris Oettingæ.

I.

Privileg.
Archiep.
Eberhardi.

IN nomine sanctæ & indiuiduæ Trinitatis Amen. *Everhardus* Dei gratia *Salisburg.* Archiepiscopus, Apostolicæ sedis Legatus, in perpetuam memoriam. Sicut detestabile & perniciosum nimis est, in quolibet homine, & præsertim in Principe, benefaciendi impedire propositum: ita virtuosum est, & coronæ perpetuæ meritorium, ad bonum intendētis animam, gratuitis adminiculis adiuuare. Ea propter notum esse cupimus tam præsentibus quàm futuris, quod cum internos, & Illustrem virum *Ludouicum*, Comitem Palatinum *Rheni*, Ducemq; *Bauariæ*, super jure patronatus Ecclesiæ *Oettingæ*, quæstio fuisset diutius agitata: præfatus vir Illustris, gratia S. Spiritus inspirante, ad honorem diuini cultus salubrem concepit animam, quod in Ecclesia nominata locaret collegium, & suis illud competenter dotaret redditibus: ita tamen, si nos juri patronatus cedentes, ipsi recognoscereimus patronatum & privilegium Fundatoris, Nos itaque ne tam laudabile videremur impedire propositum, sed potius adiuuare: Juri patronatus quod habuimus, vel habere videbamus in prænominata Ecclesia, cessimus, quod aliàs non fecissemus, nisi collegium ibidem fieret, nec ratum habebimus nisi fiat, & tali conditione, ipsum recognouimus verum esse patronatum, saluo tamen in omnibus jure Diocesano. Ne igitur super hoc dubitatio nascatur in posterum, ad retinendam facti memoriam, præsentem chartam conferibi, & sigilli nostri concessimus munimine roborari. Hi sunt testes: *Kudgerus Chiemensis*, *Carolus Seccouien.* Episcopi. *Albertus* Præpositus. *Chuno* Decanus, totumque Capitulum *Salisburg* *Chuno* de *Weruen* *Conrad* de *Kalheim*. *Eckardus* de *Tanno*, *Gerhobus* de *Perckaim*. *Ridegerus* de *Perch*. Ministeriales & alij quam plures. Acta sunt hæc, Anno Domini nostri Iesu Christi Millesimo Ducesimo vigesimo octauo. Indiēt. I. Datum *Salisburg*. Nono Idus Iulij.

II.

Confirmat.
Fundat.

IN nomine sanctæ & indiuiduæ Trinitatis. *Everhardus* Dei gratia *Salisburg.* Archiepiscopus, Apostolicæ sedis legatus, in perpetuam rei memoriam. Inter laudes & merita virorum Illustrium, sapientis iudicio reputatur non minimum, edificasse domos diuinas, in quibus Deum timentes, peccatorum implorent veniam, ad honorem Dei construxisse Basilicæ, minores Ecclesias, maiorum dignitatum honorasse titulis, ampliando diuino cultui Deo seruientium, tam prouentus, quàm munerum augmentasse. Nec est dubium, quin hæc & hujusmodi, recto zelo conantibus angelicis manibus in regnis celestibus habitatio præparetur. Hac consideratione motus & monitus, hac fiducia tractus & inductus, dilectus filius noster *Ludouicus*, Comes Palatinus *Rheni*, Duxque *Bauariæ* Illustris, ad honorem Dei, sanctæque genitricis eius, & Apostolorum *Philippi* & *Jacobi*, cæterorumque sanctorum, impetrata à nobis auctoritate, fundauit & de nouo constituit, apud *Oettingæ* Præposituram Canoniceorum sæcularium; ita, vt essent ibi duodecim Canonici, cum Præposito tertio decimo, dans eis quantum in ipso erat, omnes immunitates & honestas libertates, & privilegia, quæ habent aliæ Ecclesiæ ejusdem ordinis, videlicet *Pataniensis* & *Ratisbonen.* hoc expresso statuto.

A d

Ad hoc autem contulit & donauit eidem Præposituræ præter jus quod in ipsa Oeting. habebat Ecclesia, omnes possessiones, quas habebat in ipsa villa, cum hominibus habitantibus in eis, & villam ipsam, scilicet vetus *Oetingen*. cum toto territorio, à porta fori scilicet noui *Oetingen*, vsq; ad montem. Præterea jus dedit eidem Præposituræ, de foresta proxima cadendi arbores, tam pro lignis quam pro materia ad opus Ecclesiæ, vel ad vsum ibidem Deo seruientium necessariis in perpetuum. Jus item venandi & piscandi eidem contulit in foresto prædicto & magis vicinis omnibus. Donauit item, & ad tradendum se publicè & solemniter obligauit eidem Ecclesiæ centum Marcas argenti annuas, tam diu solvendas, donec ei redditus centum Marcarum in possessionibus quietis & pacificis assignaret. Honorauit item beatos Apostolos *Philippum & Iacobum*, remittens eis aduocatum, id est, procurationes & ea sibi & hæredibus suis debitas, promittens, quod tam personas ipsorum Præpositi & Canonicorū, quam familiæ ipsorum & amicorū ad eos venientium, vel cum eis commorantium, grati & sine omni emolumento tanquam seipsum defenderet, & ab omni grauamine & iniuria tueretur. Nomina verò possessionum quas contulit eidem Ecclesiæ, in instrumento donationis suæ plenius exprimuntur. Nos quoq; ob reuerentiã Dei, & beatorum Apostolorum *Philippi & Iacobi*, eidem Præposituræ cum consensu Capituli nostri, duas parochiales Ecclesias, *Purkirchen*, & *Muteling*, cum omni iure contulimus & donauimus, tali eam priuilegio nihilominus honorantes, vt Præpositus ipsius Ecclesiæ quicumq; legitimè intrauerit, & tanti honoris se non indignum præstiterit, in Concilio Metropolitano, in sessione & subscriptione, Præpositis aliis secularibus, prior & superior habeatur. In ipsa fundatione Præposituræ, prædictus fundator, ad ædificationem tam Ecclesiæ quam domorum & officinarum canonicalium, obtulit ducentas libras Ratispon. moxq; tanquã Princeps Catholicus, inter primordia nouissimorum suorum non immemor, corporis sui sepeliendi curam non negligens, ac per hoc resurrectionis habere se fidem prouidis argumentis ostendens, elegit sibi sanus & incolumis, in eadem Ecclesia sepulturam. Nos igitur omnia supradicta, siue ab eo, nostra tamen auctoritate, siue à nobis ipsis statuta & ordinata, rata & inconcussa, perpetuis volentes permanere temporibus, Præposituram ipsam cum omnibus suis in nostram protectionem suscipimus. Prohibemus auctoritate Dei, & *B. Roperti* & nostra, ne quis circa res mobiles vel immobiles, vel personas ad eam pertinentes, violentiam audeat perpetrare. Quod si præsumperit, anathematis se noverit & nunc mucrone percussus. Acta sunt hæc Anno Dominicæ Incarnationis, M. CC. XXXI. Indiçt. 4. Datum *Salisburg*. VIII. Cal. Septemb. Amen.

III.

OTTO Dei gratia Palatinus *Rheni*, Dux *Bauaricæ* &c. omnibus hanc paginam inspecturis, salutem. Nouerint omnes, quod omnia quæ bonæ memoriæ Dñi *Ludouici*, Palatinus *Rheni*, & Dux *Bau.* &c. Pater noster, Deo & *B. Maria* semper virgini, & SS. Apostolis *Philippo & Iacobo*, & Ecclesiæ *Oettingensi*, donauit & contulit. Nos Ecclesiæ eidem, pro remedio animæ patris nostri, & omnium parentum nostrorum, & pro salute nostra, & vxoris nostræ, & etiam filij nostri *Ludouici*, liberaliter conferimus & donamus pleno iure ordinationem ejusdem Ecclesiæ à patre nostro dispositam, in omnibus & per omnia ratam habentes, & mandantes, vt maneat perpetuis temporibus inconcussa. Dat. *Landeshut*. Anno Domini Millefimo Ducentesimo tricesimo tertio.

IV.

LUDOUICUS Dei gratia Comes Palatinus *Rheni*, Dux *Bau.* &c. Vniuersis huius paginæ inspectoribus. In perpetuū constare volumus, quod cum piæ memoriæ

Metrop. Salisb. Tom. III.

f 3

Ludo-

Confirmat.
Duc. Ludouicus.Confirmat.
Duc. Ludouicus.

Ludovicus, Comes Palatinus *Rheni*, Dux *Bau.* &c. Avus noster, ad honorem *B. Mariae* gloriosae Virginis, & SS. Apostolorum *Philippi* & *Jacobi*, destructam olim *Oetting* Ecclesiam reconstruxit auctoritate contemporanei sui, Domini *Euerhardi Salisburg.* Archiepiscopi fundans ibidem Collegium Canonicorum seclularium, & honorem Praepositurae instaurans, Ecclesiastica libertate ipsam Ecclesiam, cum personis & rebus eam respicientibus uti volens, & eam suis fundans praediis competenter ampliora eidem beneficia largiturus, nisi postmodum breuiter ipsum, fatalis mortis insperatum exitium praevenerit. Ac deinde chariss. genitor noster, bonae recordationis *Otto*, Comes Palatinus *Rheni*, Dux *Bau.* &c. suo & nostro nomine gratum in omnibus consensum dinoscatur exhibuisse publicis instrumentis. Nos quoque ob salutem nostrae ac dilectae consortis ac puerorum nostrorum animarum in praesenti & futuro saeculo quondam, ordinationem praedictae foundationis, ratam & gratam perpetuo volentes in omnibus observare, praedictam Ecclesiam, cum suis omnibus, nostrae fauori specialiter duximus includendam, ut si forte, a quoquam nostrorum hominum res aut personas ejusdem, illicito ausu invadendi contingeret, hanc teneamur injuriam pro nostris viribus pulsare. In cuius rei testimonium, praesentes literas praedictae Ecclesiae dedimus nostri sigilli munimine roboratas. Datum *Frisinge*, Anno Domini Millesimo Ducentesimo sexagesimo octavo, sexto decimo Cal. Martij

V.

Confirmat.
Vladislaus
Archiep.
Salisburg.
Vide infra
litteras Ar-
chiep. Vla-
dislaus ex o-
riginali de-
scriptae.

IN nomine sanctae & individuae Trinitatis. *Vladislaus* Dei gratia *Salisburg.* Ecclesiae Archiepiscopus; Apostolicae sedis Legatus, & Dux *Silesiae*, in perpetuum Amen. Praedecessoris nostri *D. Euerhardi* quondam Archiepiscopi *Salisburg.* vestigiis inherentes, ea quae per ipsum rite ac rationabiliter acta sunt, de consilio & consensu dilectorum in Christo fratrum, Praepositi ac Decani, caeterique Capituli, Ecclesiae nostrae favore gratuito prosequentes, nostrae voluntatis arbitrio, tanto benignius roboranda decrevimus, quanto laudabilius inchoata noscuntur.

Nos igitur eandem Praeposituram cum omnibus suis, in nostram protectionem suscipimus, prohibentes auctoritate Dei, & *B. Ruperri*, & nostrae, ne quis circa res mobiles vel immobiles, vel personas ad eam pertinentes, violentiam audeat perpetrare. Quod si quis praesumpserit, anathematis se noverit ex tunc mucrone percussum, in cuius rei perenne testimonium & cautelam, nostro ac faepedictorum fratrum nostrorum sigillis, praesentem paginam placuit communi, Acta sunt haec Anno Domini Incarnationis, Millesimo Ducentesimo sexagesimo octavo, Indict. v. decima. Dar. *Salisburg.* XVII. Cal. Nouemb.

VI.

Gregorij
FR. Bulla.

Gregorius Episcopus Servus Servorum Dei. Dilectis filiis Praeposito & Capitulo Ecclesiae de *Oetting.* salutem & apostolicam benedictionem. Cum a nobis petitur quod justum est & honestum, tam vigor equitatis, quam ordo exigit rationis, ut id per sollicitudinem officij nostri ad debitum perducatur effectum. Ea propter dilecti in Domino filij, vestris justis postulationibus grato concurrentes assensu, libertates & exemptiones saecularium exactio-num, nec non possessiones, & alia bona, vobis & Ecclesiae vestrae, & clarae memoriae *Ludov.* Duce *Bau.* Fundatore ipsius Ecclesiae, pia & provida deliberatione concessa, & a venerabili fratre nostro *Salisb.* Archiepiscopo, Diocesano vestro, de sui consensu Capituli confirmata, prout in literis confectis exinde dicitur contineri, sicut ea omnia iuste & pacifice possidetis, vobis & per vos, eidem Ecclesiae, auctoritate apostolica confirmamus, & praesentis scripti patrocinio communitus. Nulli ergo omnino hominum liceat hanc paginam nostrae confirmationis infringere, vel ei ausu temerario contraire. Si quis autem hoc attemptare praesumpserit, indignationem

ncm

nem omnipotentis Dei, & beatorum Petri & Pauli Apostolorum eius, se nouerit incursum. Datum Reat. Cal. April. Pontificatus nostri Anno 6.

VII.

Clemens Episcopus seruus seruorum Dei, Dilecto filio Electo *Salisburg.* salutē, ^{Clemens} & apostolicam benedictionem, Qui diuinis laudib. deputati, malignorum, ^{PP. Bulla.} noscuntur affūgi molestiis, apostolicæ fouendi sunt gratiæ fulcimentis, vt colib. berius possint obsequiis diuinis intendere, quo se prospexerint humanis periculis non subesse. Cum igitur dilecti filij Præpositus & Capitulum Ecclesiæ de *Oeting.* *Salisburg.* diocæsis, à nonnullis qui nomen Dñi in vacuū recipere non formidant, graues sicut accepimus super possessionib. & aliis bonis suis, patiantur molestias & iacturas. Nos eorum providere quieti, & malignantium malitiis obuiare volentes, discretioni tuæ per Apostolica scripta mandam⁹, quatenus eosdem Præpositum & Capitulum pro diuina & nostra reuerentia fauoris oportuni præsidio prosequens, non permittas ipsos, contra indulta priuilegiolorum sedis Apostolicæ, ab aliquo indebitè molestari. Molestatores huiusmodi per censuram Ecclesiasticam, appellatione postposita, compescendo & c. Nos enim si secus præsumpseris, tam præsentis litteras, quam etiam processum quem per te ipsarū autoritate haberi contigerit, omnino carere viribus, ac nullius fore decernimus firmitatis. Huiusmodi ergo mandatū nostrum sic sapiētē & fideliter exequaris, quod eius fines quomodolibet non excedas. Dat. *Viterbij* XV. Cal. Aprilis, Pontificatus nostri ann. 3.

VIII.

IX.

Clemens Ep̄s seruus seruorū Dei & c. dilectis filiis Præposito & Capitulo Ecclesiæ d. *Oeting.* *Salisburg.* diocæsis, salutem & Apostolicam benedictionē. Cum à nobis petitur quod iustū est & honestum, tam vigor equitatis, quam ordo exigit rationis, vt id per sollicitudinem officij nostri, & c. per omnia vt supra.

Datum *Viterbij* X. Cal. April. Pontificatus nostri anno tertio,

X.

Conradus Dei gratia S. *Salisburg.* Ecclesiæ Archiep̄s, Apostolicæ sedis Legatus. ^{Archiep̄s} ^{scopi} ^{Con-} ^{radi} ^{et} ^{O-} ^{tonis} ^{ac} ^{Stephani} ^{Banaria} ^{Duci} ^{con-} ^{firmatio.} **O**tto & **Stephanus** Dei gratia Pal. Com. Duces *Banaria* & c. oibus præsentia inspecturis in perpetuū. Cum honorabilis & discret⁹ **Leonardus** Præpos. *Oeting.* studiose proposuit coram nobis, quod licet apud *Oetingā* salubris & assidua fieret fidelium defunctorum commendatio, & illorum specialiter, qui viuentes in carne, memoriale suum in desiderio animæ suæ fieri curarunt. Ad hæc tamen suus dirigebatur affectus, vt in Anniuersariis Principum fundatorū, qui tandē plantarunt Ecclesiam, & plantatam vbertate reddituum rigarunt, p̄aq; defensione fastētans, solemnior fieret commemoratio, & vberior deuotio aueretur. Et quia fœlicis recordationis Dn. **Euherardus** *Salisb.* Archiep̄s, & illustris memoriæ D. **Ludovicus** Dux *Banaria* memoratam *Oetingen.* Ecclesiam, comūni deliberatione fundantes, ambo eam salubriter ab initio dotarunt, affectans idem Præpositus, ad hoc dare operam salutarem & c. Nos igitur attendentes, quod sancta & salubris est cogitatio pro defunctis orare, & quia inter opera charitatis illis primo loco sumus obnoxij, & quibus nos meminerimus beneficia recepisse, tam religiosam ordinationem, per quam collata beneficia recoluntur, per quam impensis beneficiis, grata vicissitudo rependitur, per quam ad benefaciendum Dei ministris, cæteri prouocantur, in Domino commendantes, reddituseosdem iuxta donatoris desiderium, Capitulo volumus ob causam prædicti Præpositi, specialiter applicare, nullo prorsus iure vel dominij vel administrationis apud Præpositum, sed per obellarium tam administratio, quam distributio remaneat. Et ne aliquid dissensionis vel dubij circa hoc oriri possit,

in posterum præsens instrumentum super hoc confectum Capitulo tradimus nostrorum sigillorum robore communitum, prædia illis vsibus deputata, propriis hic vocabulis exprimentes, villam in *Eschelbach*, curiam in *Moring*, curiam in *Mat.* curiam in *Weng.* & omnes redditus ante portam ciuitatis de hortis vel de agris. Datum & actum apud *Lanzhuet* M. CC. nonagesimo sexto. In die *B. Galli Confessoris*.

XI.

IN nomine S. & indiuiduæ Trinitatis Amen. Nos *Cristanus Decan⁹*, *Petrus* dictus *Pfarrkircher Georgius* dict⁹ *Moring*, *Ioannes* dictus *Wels*, *Sesfridus* dict⁹ *Holerfchuz*, *Ioannes Sueuus*, *Heinr.* pastor in *Mettinhä*, *Heinr.* dictus *Hauspeck* & *Ludouicus Kaiser*, presbyteri & Canonici Capitulares Ecclesia *Oettinge. Salisburg.* diocæsis, ad vniuersorum præsentium inspectorum, maximè quorum interest vel intererit, notitiam cupimus peruenire. Quod attendentes, & matura deliberatione, quantum nobis desuper datum est percunctantes, quomodo sanctum est, & Deo valde amabile, cultum diuinum ampliari, & erroribus, nec non negligentis quibuscunque, iuxta eundem cultum committendis, occurrere remedio salutari. Eapropter aliarum Ecclesiarum Cathedralium & Collegiarum quondam similiter tolerantis defectus, statuis & consuetudinibus informati, volentes quantum in nobis est, huiusmodi morbo Deo cooperante medelâ inferre, sanitatis, unanimi omnium nostrum consensu, voto & assensu, nobis capitulariter congregatis, statuimus deliberati, & itatuendo præcipimus per præsentem, nec non præcipiendo irreuocabiliter ordinamus, quod deinceps perpetuis temporibus omnis dictæ nostræ Ecclesiæ Canonici, cuiuscunque conditionis, ordinis, status, & ætatis existat, siue præsens aut absens extiterit, hebdomodalis vicis suæ, secundum obseruantiam & consuetudinem prædecessorum nostrorum, ac nostram, hætenus obseruatas per se vel per alium, aut alios idoneos presbyteros, executionem sui officij habentes, in officiet, peraget cultum diuinum & obseruet, toties quoties ipsum ordo dictæ vicis attingit. &c. Et vt præsens nostrum statutum, cunctaque & singula supra contenta, perpetuis temporibus à quocumque vtinam inconuulsa & illesâ, sed magis in roboris sui firmitate permancant, Idcirco in testimonium ipsorum sigilla nostra, videlicet Decani & Capituli Ecclesiæ læpedictæ, præsentibus duximus appendenda. Acta sunt hæc & Dat. Anno Domini 1382. In die sancti *Gregorij* Papæ in Sacristia nostra.

Confirmatio
Ducis
Friderici.

XII.

VNniuersis & singulis præsens priuilegium inspecturis, *Fridericus* Dei gratia, Comes Palatinus *Rheni* & *Banaria* Dux &c. pacem, gaudium & salutem. Cum in officio charitatis primo loco obligamur, pias voluntates nostrorum progenitorum exequi, ac easdem augere, quanto valemus, maximè circa loca DEO deuota, quæ ab eisdem progenitoribus nostris, fundationis originem susceperunt. Ideo pro nobis & nostris successoribus publicè profitemur, quod nostri deuoti, Præpositus, Decanus & Canonici, Ecclesiæ beatorum *Philippi* & *Iacobi* Apostolorum in antiqua *Oettinga* nostræ fundationis, & cuius jus patronatus ad nos dinoscitur pertinere, coram nostra præsentia constituti, quasdam laudabiles constitutiones, quarum tenor est submissus, nobis humiliter exhibuerint, patentes quatenus eisdem constitutionibus, nostrum gratiosum assensum adhibere dignaremur.

Nos igitur *Fridericus* Comes Palatinus *Rheni*, & Dux *Banaria* &c. supra-
scriptus.

scriptus, qui gladij potestatem, accepimus, ut eius aciem extendamus, quod prauorum impietas reprimatur, bonorum vero iusticia subleuetur, & protecto illorum, quos in vinea Dei laborare videmus, considerantes, quod præmissæ constitutiones, propter honestatem & vilitatem sapientiæ Ecclesiæ, nec non clericalis disciplinæ obseruantiam, per prænominatos Præpositum, Decanum, & Canonicos, ac eorum successores, perpetuò & inuolabiliter obseruari. Et qui eas infringere præsumpserit obtentum nostræ indignationis incurrat, cui etiam nostrum ius patronatus vltèrius volumus suffragari. In cuius rei testimonium, præsentès litteras dedimus nostri sigilli munimine roboratas. Datum & actum, in oppido nostro *Burchausen*, anno Dñi M. CCC. LXXXVI. In die Sancti *Andree* Apostoli.

Sacro sancta generalis synodus *Basiliensis*, in Spiritu sancto legitimè congregata vniuersalè Ecclesiã representans, venerabilib. *Brixinen.* & *Seccouien.* Episcopis, ac dilecto Ecclesiæ filio, Præpos. Ecclesiæ *Salisb.* salutem & omnipotentis benedict. Ad compescendos conatus nefarios peruerforum, qui personas & loca Ecclesiastica super bonis & iuribus suis offendere, ac multiplicibus perturbare molestiis, non verentur, tantò magis per sacrè decet generale concilium, oportuno remedio prouideri, quanto per amplius turbationes huiusmodi & molestiæ, in diuinæ maiestatis offensam, nec non Ecclesiæ libertatis redundare dispendium dinoscuntur. Dudum siquidem, cum diuersis mundi partibus, confules ciuitatum, & Rectores, nec non alij, qui potestatem habere videbantur. tot onera frequenter imponerent Ecclesiis, ut deterioris conditionis factum sub eis sacerdotium videretur, quam sub Pharaone fuisset, qui legis diuinæ notitiam nõ habebat, quiq; oibus aliis seruituti subactis, sacerdotes & possessiones eorum in pristina libertate dimisit, & de publico eis alimoniã ministravit. In concil. *Later.* Ecclesiæ immunitati prouidendo, sub anathematis districtione prohibitum exiit, ne consules, Rectores, aut alij prædicti, Ecclesias & viros Ecclesiasticos, talliis seu collectis, aut exactionibus aliis aggrauare præsumerent transgressores & fautores eorum præcipiendo, anathematis sententiæ subiaccere, donec satisfactionem impenderent competentem. Cum autem sicut lamentabili querela, dilectorum Ecclesiæ filiorum, Præpositi, Decani, & Capituli singulorumq; Canonicorum & personarum, Ecclesiæ sanctorum *Philippi & Iacobi in Althöttingen, Salisburgen.* Dioc. nuper accepimus, nonnulli Principes, Duces, Comites Barones, & alij sæculares potestates, earundem constitutionum & sanctionum Canonicarum & legalium forsã ignari, contra ipsas à Præposito, Decano, Capitulo Canonicis & personis prædictis, communiter vel diuisim, forsã tallias & gabellas, ac alias exactiones illicitas hæcenus extorserint, & adhuc extorquere nitantur, ac etiam bona Præpositi, Decani & Capituli, singulorumq; Canonicorū & personarum prædictorum, communiter vel diuisim inuaserint, arrestauerint, occupauerint, detinuerint, & suis vsibus applicauerint, nec non occupare, inuadere, arrestare, detinere, ac eisdem suis vsibus applicare, similiter de facto præsumant, in animarum suarum periculum, nec non Præpositi Decani, Capituli Canonicorū ac personarū prædictorū, non modicū præiudicium atq; damnū.

Nos in præmissis Præposito, Decano, Capitulo, Canonicis & personis prædictis, de oportuno remedio prouidere volentes, discretioni vestra, tenore præsentium, in virtute sanctæ obedienciæ, districtè præcipiendo mādām quaten⁹ vos, vel duo, aut vnus vestrū per vos vel alium, seu alios, Præposito, Decano, Capitulo Canonicis, & personis prædictis, contra quoscunq; transgressores & violatores cōstitutionū, & sanctionū earundē, cuiuscunq; stat⁹, dignitatis, & excellētię fuerint, efficacis defensionis auxilio assistētes, nõ permittatis eos cōtra canonicas & legales

Bulla Gen
cilij Basili
ensis super
libertatib.
& privile
giis Præ
positi &
Capituli
Ecclesiæ
Ver. Ocumg.
an. 1434

legales sanctiones huiusmodi, indebitè molestari, nec non easdem constitutiones, vbi & quando expedire videritis, solenniter publicantes, faciatis transgressores huiusmodi, si prout iustum fuerit, ac vbi & quoties expedierit, tam diu excommunicatos & anathematizatos publicè nunciari, donec ab earundem talliarum collectarum impositionum, & quarumlibet extorsionum, nec non bonorum, Præpositi, Decani, Capituli, Canonicorum & personarum prædictorum, inuisione, arrestatione, occupatione, detentione, & applicatione, omnino desistant, nec non etiam efficaciter restituât eisdem Præposito, Decano, Capitulo, Canonicis & personis occasione præmissorum, per eos communiter vel diuisim læsis seu grauatis, tallias gabellas, exactiones ipsas, ac etiam bona Præpositi, Decani, Capituli, Canonicorū & personarum prædictorū, arrestata, occupata detenta, & applicata ipsis, aut q̄ per se vel alios illo prætextu quomodolibet receperūt.

Dat. *Basilea* Id. Nouemb. Anno à Natiuitate Domini M. quadringentesimo tricesimo quarto.

Pronunciamentum
D. Ioannis
Archiepif.
Salisburg.
& suorum
Consulū
pro sedatione
litū
inter Præpositum
& Capitulum
Ecclesie
Vet. Oeting.
ad. 1497.

NOs Ioannes Dei gratia sanctæ *Salisburgensis* Ecclesie Archiepiscopus, Apostolicæ sedis legatus. Notum facimus in perpetuum vniuersis præsentibus litteras inspecturis. Quod dudum inter dilectos nobis in Christo *Ioannem de Preisingen* Præpositum ex vna, nec non Decanum atque Capitulum collegij *Vet. Oeting:* nostræ dioc: partibus, ex altera, de & super portione præbendali & eius occupatione, nec nō & rebus aliis inferius annotatis, dissensionis materia suborta: Ipsæ partes in nos, tanquam in arbitrum arbitratorem, seu amicabilem componitorem, de alto & basso, coram Notario & testibus, liberè purè atque simpliciter compromiserunt, & qualibet earundem partium compromisit, attētius deprecans, quatenus onus huiusmodi in nos assumere, & memoratam dissensionem, nostro arbitramento dirimere vellemus. Nos itaque cupientes, veluti etiam ex debito nobis commissi officij tenemur subditos nostros in pacis æquitate dirigere, ac ipsos in iustitiæ vigore conseruare, votis dictarum partium libenter annuimus, & receptis eorum instructionibus, allegationibus, & probationibus, hinc inde, præhabitoque Iurisperitorum consilio, inter ipsas pronunciauimus, & arbitrati sumus, & in hunc qui sequitur modum, arbitramur & pronunciamus.

Primò, quod Præpositus *Veteris Oetingæ*, parrochiales Ecclesias *Purkirchen* & *Muthlingen*, Canonicis *Vet. Oeting:* regendas committat.

Secundo, quod memoratus Præpositus, similiter vni ex Canonicis Scholasticam, cum parrochiali Ecclesia *Nemoris* gubernandam atque regendam, committat.

Tertio, quod Præpositus, Canonicis ibidem præsentibus & residentibus, portionem præbendalem, seu corpus præbendæ ab antiquo debitam, videlicet quindecim libras in moneta pro tempore currenti, singulis annis angariatim, sine diminutione ministret.

Quarto, quod nullam ipse Præpositus in Canonicos iurisdictionem exerceat, nisi à iure, siue à consuetudine sibi concessam.

Quinto, quod Præpositus hospitalitates, collectas, papales, synodales, & Episcopales, ac procurationes, aliaque omnia onera, solus expedire, vel persolvere & supportare teneatur, attento, quod administratio tēporalium ad ipsum solum, & insolidum pertinet. Exactionem etiam quam steuram vocant, in futurum fortè, saltem de facto per Principem sæcularem citra iuris dispositionem imponendam, nequaquam intendimus approbare.

Sexto, Quod Præpositus, in bonis ad oblagium Canonicorum spectantibus, nec non